



Goa Avantura

23. septembar 2024. - 4. oktobar 2024.

12 dana - 10 noći

“ Vodimo vas u avanturu, zemlju Gandija, svetih krava, svete rijeke Ganges i zlatnih plaža najmanje indijske države - Goa! Čudesnu Indiju nije moguće opisati riječima, nikoga ne ostavlja ravnodušnim, to je zemlja koju treba vidjeti i doživjeti svim čulima. Nijedna druga zemlja ne ostavlja takav utisak kao Indija. Vodimo vas na nezaboravno putovanje protkano mističnim mirisima, ukusima i pogledima!

A ovo su mjesta koja su na nas ostavila najveći utisak:

Naša prva stanica je New Delhi – glavni grad Indije smješten uz rijeku Yamuna, na prelazu iz doline Inda u dolinu Gangesa. Odatle idemo u obilazak najpoznatijih atrakcija među kojima su Kapija Indije – podignuta 1931. u znak sjećanja na vojnike poginule u Drugom svjetskom ratu, zatim Lotus Hram – otvoren za sve vjere i predstavlja mjesto za meditaciju, mir i spokoj, kao i Humajunovu grobnicu – divan primjer mogulske arhitekture koji je poslužio kao inspiracija za Taj Mahal!

Nakon Delhija selimo se u Gou, u Arambol. Arambol je malo selo na sjeveru Goe, sa lijepim plažama, centar joge, meditacije, živahnih bazara, umjetnika, bekpekera... Šarene kućice na plaži, morska i jeftina hrana, goanski specijaliteti, zlatni zalasci sunca, živa muzika, vrijeme za odmor i punjenje baterija.

Nakon odmora, najbolje ostavljamo za kraj – posjetu Agri, i čuvenom Taj Mahalu, glavnom simbolu Indije i ljubavi. Smatra se za jednu od najspektakularnijih građevina na svijetu zbog čega je i proglašena za jedno od sedam svjetskih čuda novog svijeta.

Obilasci uključeni u cijenu aranžmana: 1. Obilazak Pahargandža, 2. Obilazak moderne četvrti i Connaught trga, 3. Obilazak hrama Akshardham, 4. Krstarenje obalom Arapskog mora.

Prepuštamo se Indiji i njenim ljepotama i upoznajemo potpuno drugi svijet. Putovanje koje se pamti zauvijek!





Jungle Travel d.o.o.
Branilaca Sarajeva 20/II,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Plan i program

Dan 1: Okupljanje grupe i polazak.

Okupljanje na aerodromu „Nikola Tesla” u Beogradu, dva i po sata prije leta. Let iz Beograda za Istanbul u 15.45h (TK1080). Dolazak u Istanbul i konekcija na let za New Delhi u 20.15h (TK716).

Prevoz

Avionska karta sa svim taksama na relaciji Beograd – Istanbul, u ekonomskoj klasi sa 30 kg čekiranog i 8 kg ručnog prtljaga
Avionska karta sa svim taksama na relaciji Istanbuli – New Delhi, u ekonomskoj klasi sa 30 kg čekiranog i 8 kg ručnog prtljaga

Mesto

Beograd, Istanbul

Dan 2: Dolazak u New Delhi i fakultativni izlet - obilazak New Delhija.

Dolazak u Indiju u 4:50 ujutro, zemlju intenzivnih doživljaja. Transfer do smještaja. Dobrodošli u Nju Delhi (New Delhi) – glavni grad Indije. Pustolovina na glavnom bazaru će vas upoznati sa svakodnevicom lokalnog stanovništva i pružiti vam mnoštvo doživljaja ispunjenih ukusima, zvukovima i mirisima Indije. Mogućnost organizovanja fakultativnog izleta Obilazak Delhija – Lakšmi Narajan Hram, India Gate, grob Mahatma Gandhija, Lotusov hram, Humajunova grobnica – preteča Tadž Mahala. Povratak u smještaj.

Prevoz

Transfer od aerodroma do smještaja.

Smeštaj

Hotel Le Roi (1 noć)

Mesto

New Delhi

Fakultativni izleti

Fakultativni obilazak New Delhija

Dan 3: Transfer do aerodroma na let za Gou.

Nakon doručka, transfer do aerodroma za let za Gou. Dolazak u Gou i transfer do smještaja u Arambolu. Arambol je malo selo na sjeveru Goe, s lijepim plažama, centar joge, meditacije, živahnih bazara, umjetnika, bekpekera... Šarene kućice na plaži, morska i jeftina hrana, goanski specijaliteti, zlatni zalasci sunca, živa muzika, vrijeme za odmor i punjenje baterija.

Prevoz

Transfer od hotela do aerodroma.

Lokali let na relaciji New Delhi-Goa u ekonomskoj klasi sa 15kg čekiranog i 7kg ručnog prtljaga

Transfer od aerodroma do smještaja.

Smeštaj

Hotel *** (1 noć)

Mesto

New Delhi, Goa

Hrana

Kontinentalni doručak × 1

Dan 4: Obilazak Sjeverne Goe.

Nakon doručka, postoji mogućnost organizovanja fakultativnog izleta: Obilazak Sjeverne Goe – Tvrđava Aguada, portugalska tvrđava iz 17. vijeka sa svojim poznatim svjetionikom na obali Arapskog mora, odmor na plaži Baga i plaži Anjuna – najpoznatijoj plaži po trance žurkama i hipi marketima, omiljena oaza starih hipija iz 70-ih godina. Potom nastavljamo do Tvrđave Chapora, na istoimenoj rijeci. Povratak u hotel.

Smeštaj

Hotel *** (1 noć)

Mesto

Goa

Hrana

Kontinentalni doručak × 1

Fakultativni izleti

Obilazak Sjeverne Goe



Jungle Travel d.o.o.
Branilaca Sarajeva 20/II,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Dan 5: Slobodan dan za uživanje na moru.

Dan rezervisan za jogu, laki džoging na plaži, kupanje, sućanje i uživanje u lijepoj hrani. Nakon zen dana, vrijeme je za krstarenje obalom Arapskog mora uz zalazak sunca.

Smeštaj

Hotel *** (1 noć)

Mesto

Goa

Hrana

Kontinentalni doručak × 1

Dan 6: Obilazak Južne i Stare Goe

Nakon doručka, fakultativni izlet Obilazak Južne i Stare Goe. Obilazimo prelijepo crkve Stare Goe koje se nalaze u tropskom okruženju okruženom palmama, nastavljamo ka Šivinom hramu Šri Mangeš, Balađi hramu, Crkvi i tornju Sv. Augustina, Bazilici i Muzeju Stare Goe. Nakon toga, dan završavamo na jednoj od plantaža začina, gdje ćemo uz ispijanje masala čaja imati priliku vidjeti kako rastu neke od biljaka koje se kasnije obrađuju u nama dobro poznate začine – cimet, vanilija, biber, kari, muškatni oraščić i još mnogo toga. Povratak u smještaj.

Smeštaj

Hotel *** (1 noć)

Mesto

Goa

Hrana

Kontinentalni doručak × 1

Fakultativni izleti

Obilazak Južne i Stare Goe

Dan 7: Obilazak Dudsagar vodopada

Nakon doručka, moguće je organizovati fakultativni izlet do vodopada Dudhsagar – jednog od najvećih vodopada u Indiji, sa četiri nivoa na rijeci Mandovi, okruženog prelijepom prirodom. Idemo na safari džipovima, vožnju po zabačenim blatnjavim putevima i šetnju mističnim rezervatom za životinje Bhagwan Mahavir. Vožnja džipovima od vodopada Kulem je iskustvo koje se pamti cijeli život! Povratak u smještaj.

Smeštaj

Hotel *** (1 noć)

Mesto

Goa

Hrana

Kontinentalni doručak × 1

Fakultativni izleti

Dudsagar vodopad

Dan 8: Dan za odmor

Posljednji dan na moru koristimo za kupanje i najljepši zalazak sunca u nekom od restorana na plaži, uz morske plodove ili pak začinjene karije(curry).

Smeštaj

Hotel *** (1 noć)

Mesto

Goa

Hrana

Kontinentalni doručak × 1



Jungle Travel d.o.o.
Branilaca Sarajeva 20/II,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Dan 9: Transfer do aerodroma na let za Delhi

Jutarnji transfer do aerodroma na let za Delhi. Dolazak u Delhi i transfer do smještaja. Slobodno vrijeme.

Prevoz

Lokalni let na relaciji Goa-New Delhi u ekonomskoj klasi sa 15kg čekiranog i 7kg ručnog prtljaga
Transfer od smještaja do aerodroma.
Transfer od aerodroma do smještaja.

Smeštaj

Hotel Le Roi (1 noć)

Mesto

Goa, New Delhi

Hrana

Kontinentalni doručak × 1

Dan 10: Transfer do Agre. Obilazak Taj Mahala i Agra tvrđave

Napuštamo smještaj i imamo transfer do Agre. Fakultativni obilazak Taj Mahala i tvrđave Agra započinjemo obilaskom Taj Mahala, najspektakularnije građevine na svijetu koja rano ujutro svjetluca i prelama svjetlost na izlazećem suncu. Simbol Indije i ljubavi. Obilazimo i Crvenu tvrđavu (Agra Fort) u poslijepodnevnim satima, još jednu prelijepu građevinu Radžaputa. Povratak u smještaj.

Prevoz

Transfer privatnim autobusom na relaciji New Delhi-Agra

Smeštaj

Smještaj u Agri (1 noć)

Mesto

New Delhi, Agra

Hrana

Kontinentalni doručak × 1

Fakultativni izleti

Fakultativni obilazak Taj Mahala

Dan 11: Obilazak Akšardama

Napuštamo smještaj i krećemo nazad za Delhi. Dolazak u Delhi i transfer do smještaja. Upuštamo se u avanturu metroom, izlet do imponantnog Akšardham hrama – hrama sagrađenog od zlata, poludragog i dragog kamenja, iz ptičje perspektive bašta hrama podsjeća na lotus. Hram je ukrašavalo 11,000 zanatlija i utrošeno je 30 miliona funti – do sada je Tadž Mahal bio vrhunac indijske arhitekture, međutim danas se slobodno može reći da ima ozbiljnu konkurenciju. Povratak u hotel. Slobodno vrijeme za kupovinu suvenira i istraživanje Delhija. Šetnja kroz Paharganj, moderni dio Delhija – Connaught trg, ulična hrana, ili možda Lodi vrtovi i još mnogo toga.

Prevoz

Transfer privatnim autobusom na relaciji Agra-New Delhi

Smeštaj

Hotel Le Roi (1 noć)

Mesto

Agra, New Delhi

Hrana

Kontinentalni doručak × 1

Dan 12: Povratak za Beograd i kraj putovanja.

Jutarnji transfer do aerodroma, na let za Istanbul u 6.30h (TK 717). Dolazak u Istanbul u 10.55h i konekcija na let za Beograd u 18.45h (TK 1083). Dolazak u Beograd u 19.30h. Kraj putovanja.

Prevoz

Transfer od smještaja do aerodroma
Avionska karta sa svim taksama na relaciji New Delhi – Istanbul u ekonomskoj klasi sa 30 kg čekiranog i 8 kg ručnog prtljaga
Avionska karta sa svim taksama na relaciji Istanbul – Beograd, u ekonomskoj klasi sa 30 kg čekiranog i 8 kg ručnog prtljaga

Mesto

New Delhi, Istanbul, Beograd

Cene i uslovi



Jungle Travel d.o.o.
Branilaca Sarajeva 20/II,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Šta je uključeno

Regularna cena
2.990,00 BAM

First minute cijena
Važi za prijave do 15.06.2024.
2.790,00 BAM

Nije uključeno

- Međunarodno zdravstveno osiguranje (može se uzeti u agenciji)
- Fakultativne izlete i ulaznice za kulturno historijske spomenike

Uslovi plaćanja: Cijene aranžmana objavljene na web stranici izražene su sa uračunatim popustom i vrijede za plaćanje gotovinom u poslovnici ili uplatu na transakcijski račun agencije.

Prilikom prijavljivanja plaća se avans u iznosu od 700 KM, a ostatak sume plaća se u agenciji ili putem banke najkasnije 30 dana pred put.

Nudimo vam mogućnost plaćanja **NA RATE karticama UniCredit banke**. Mogućnost odabira plaćanja od 2 do 24 rate.

Za kartično plaćanje primjenjuju se regularne cijene aranžmana, bez mogućnosti ostvarivanja popusta za gotovinsko plaćanje i vrijedi za sva putovanja ukoliko putnik aranžman plaća u poslovnici karticom - jednokratno ili shopping karticom na rate.

Prijavlivanje: Preporučujemo ranije prijave jer je broj mesta ograničen. Prilikom prijave potrebno je dostaviti skeniranu prvu stranu pasoša, u suprotnom agencija ne snosi odgovornost od štampanja avio karata sa pogrešnim imenom. Prijava je validna jedino uz uplatu avansa. Dokumenta za vize potrebno je dostaviti najkasnije mesec dana pred put. Ukoliko putnici ne dostave dokumenta za vize u navedenom roku, dužni su da sami obezbede vize za putovanje. Ukoliko putnici sami pribavljaju vize, dužni su da kopiju vize dostave do 15 dana pred put.

Fakultativni izleti

Fakultativni obilazak New Delhija

Cijena: 40,00 EUR

Krećemo u upoznavanje New Delhija, avantura u haotičnom gradu nevjerovatnog duha, boja, mirisa i divne energije! Posjećujemo stari dio grada gdje se nalaze čuvena džamija Jama Masjid i Crvena Tvrđava (Red Fort). Džamiju je izgradio čuveni Šah Džahan i najveća je u čitavoj Indiji. Duh starog grada će Vas potpuno oduševiti, energija pokreta, buka, ljudi, sva čula su aktivirana! Vidjet ćemo i Crvenu Trđavu koja datira iz 17. vijeka. Ulazak nije planiran jer ćemo u okviru izleta u Agru posjetiti tamošnju tvrđavu. Obilazak nastavljamo uživajući u ljepoti građevine koja je poslužila kao uzor za izgradnju Tadž Mahala. U pitanju je Humajunova grobnica, mogulskog vladara Humajuna iz 16. vijeka, a čiju je izgradnju zahtjevala njegova prva žena i simbol ljubavi prenijet će se arhitekturom na izgradnju i samog Tadž Mahala. Obilazak završavamo kod kapije Indije, čuvene India Gate, posvećen svim vojnicima poginulim tokom Prvog svjetskog rata. Time se završava obilazak i slijedi povratak u smještaj i slobodno vrijeme za ostatak večeri.

*uzimajući u obzir moguće gužve i zastoje u saobraćaju, moguća je promjena redoslijeda obilaska lokaliteta.

U cijenu izleta uključeno je: lokalni vodič na engleskom jeziku, prevoz, ulaznice u kompleks Humajunove grobnice, usluge predstavnika agencije.

U cijenu izleta nije uključeno: obroci i piće, napojnice za lokalne vodiče i vozače, individualni troškovi.

Obilazak Sjeverne Goe

Cijena: 30,00 EUR

Tvrđava Aguada, portugalska tvrđava iz 17. vijeka sa svojim poznatim svjetionikom na obali Arapskog mora, predah na plaži Baga i plaži Anjuna, najpoznatijoj po trance žirkama i hipi marketima, omiljena oaza starih hipika iz 70-ih godina. Zatim nastavljamo do tvrđave Čapora na istoimenoj rijeci.

Cijena izleta uključuje: organizirani prevoz po predviđenom itineraru, ulaznice, lokalnog vodiča na engleskom jeziku i usluge predstavnika naše agencije.

Cijena izleta ne uključuje: piće, napojnice za lokalne vodiče i vozače, individualne troškove.

Obilazak Južne i Stare Goe

Cijena: 45,00 EUR

Obilazimo prelijepo crkve Stare Goe koje leže u tropskom pejzažu okružene palmama, nastavljamo ka Šivinim hramu Šri Mangeš, Baladi hramu, Crkvi i tornju Sv. Augustina, Bazilici i Muzeju Stare Goe. Nakon toga, dan završavamo na jednoj od plantaža začina, gdje ćemo uz ispijanje masala čaja imati priliku vidjeti kako rastu neke od biljaka koje se nakon obrade pretvaraju u nama dobro poznate začine - cimet, vanilija, biber, kari, muškatni oraščić i još mnogo toga.

Cijena izleta uključuje: organizovani prevoz po predviđenom itineraru, ulaznice, lokalnog vodiča na engleskom jeziku i usluge predstavnika naše agencije.

Cijena izleta ne uključuje: piće, napojnice za lokalne vodiče i vozače, individualne troškove.

Dudsagar vodopad

Cijena: 45,00 EUR

Dudsagar vodopad je jedan od najvećih vodopada u Indiji, sa 4 nivoa na rijeci Mandovi, okružen prelijepom prirodom. Idemo na safari džipovima i uzbuđuju vožnju po zabačenim blatnjavim putevima i šetnju mističnim rezervatom za životinje Bhagvan Mahavir. Vožnja džipovima od Kulema do vodopada je iskustvo koje se pamti cijeli život!

Cijena izleta uključuje: organizovani prevoz po predviđenom itineraru, ulaznice, safari džipove i usluge predstavnika naše agencije.



Jungle Travel d.o.o.
Branilaca Sarajeva 20/II,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Cijena izleta ne uključuje: piće, napojnice za lokalne vodiče i vozače, individualne troškove.

Fakultativni obilazak Taj Mahala

Cijena: 80,00 EUR

Agra - Taj Mahal i Red Fort - cjelodnevni izlet. Obilazak Taj Mahala, najspektakularnije građevine na svijetu, koja svjetluca i prelama svjetlost kad je sunce u zenitu i pod punim mjesecom. Simbol Indije i ljubavi. Priča o Shah Dzahanu i prelijepoj Mumtaz, počinje na čuvenoj pijaci petkom, nadomak mjesta gdje je sada moćni Taj, na kojoj su prinčevi birali buduće mlade. Mumtaz je prodavala kristale soli, a Shah je bio princ spreman da plati što kao da je kohinor. Bila je to ljubav na prvi pogled, voljeli su se srećno i beskonačno kao u bajci. Za 18 godina zajedničkog života Mumtaz mu je rodila 14. djece, međutim na posljednjem porođaju je preminula. Spomenik večne ljubavi je bio njena želja. Čak 22 godine je trajala izgradnja mermerne grobnice na kojoj je učestvovalo 20.000 ljudi, hiljade slonova i kamila. Žad, lapis, koral, tirkiz, safir, oniks, pietra dura od 28 vrsta različitog poludragog i dragog kamenja su samo dio veličanstvenosti po kojoj je Taj poznat. Shah je nakon ovog velikog poduhvata ostao skoro bez kraljevstva, ali i života. Nakon dolaska njegovog sina na presto 1685. godine biva zatvoren u najljepši zatvor na svijetu, u Red Fortu, sa pogledom na Taj mahal - podsjetnik do kraja života na večnu ljubav ali i bankrot kraljevstva. Tu je proveo posljednje dane svog života, do smrti. Red Fort - Agra tvrđava, veliko zdanje Radžaputa, vojničke kaste Indije, napravljena za odbranu kraljevstva i do dana današnjeg je u upotrebi, a samo 20% je otvoreno za javnost. Odbrambeni tuneli, egzotični šanci, prostorije za konkuriše, kraljevske odaje, najljepši zatvor na svijetu, prva prirodna klimatizacija i telefonija, samo su dio onoga što ćemo posjetiti. Povratak u Delhi u večernjim satima. Pauza za doručak predviđena na putu za Taj Mahal, a pauza za ručak nakon obilaska oba lokaliteta ili nakon prvog, zavisno od vremena.

U cijenu izleta uključeno je: lokalni vodič na engleskom jeziku, prevoz, ulaznice u Taj Mahal i Red Fort, usluge predstavnika agencije.

U cijenu izleta nije uključeno: obroci i piće, napojnice za lokalne vodiče i vozače, individualni troškovi.

Smeštaj

Hotel Le Roi ***

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Smješten na 10 minuta hoda od željezničke stanice u Njew delhiju, hotel je udaljen 6 km od Red Forta i Jama Masjida. Klimatizovane dvokrevetne sobe su opremljene sopstvenim kupatilom, kablovskom televizijom i ličnim sefom

Hotel ***

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Hotel *** je smještajni objekat koji raspolaže 1/2 sobama. Sve sobe posjeduju T/WC. Usluga je na bazi noćenja sa doručkom. Imena hotela biće potvrđeni po formiranju grupe, a najkasnije dvije nedjelje pred put.

Smještaj u Agri ***

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Hotel 3/4* je smještajni objekat koji raspolaže dvokrevetnim sobama. Sve sobe posjeduju TWC. Usluga je na bazi noćenja sa doručkom. Imena hotela biće potvrđeni po formiranju grupe, a najkasnije 2 nedjelje pred put.

Prevoz

Avion

Putnički avion (linijski *putnički avion* ili komercijalni transportni avion) veliki je avion prvenstveno namijenjen komercijalnom prevozu putnika i tereta.

Lokalni transfer

Kombi prevoz je prevozno sredstvo za manje grupe putnika, najčešće do 15 ljudi.

Minibus

Minibus je prevozno sredstvo za transport 15 do 22 ljudi.

Mesta

Beograd

Beograd je glavni grad Republike Srbije. U urbanom dijelu grada živi 1,23 miliona, a unutar administrativne teritorije grada gotovo 1,7 miliona stanovnika. Beograd je grad veoma burne historije i jedan od najstarijih urbanih cjelina u Europi. Njegova historija traje punih 7000 godina.

Istanbul

Istanbul kroz historiju također poznat i kao Carigrad, Konstantinopolj ili Bizantium, najveći je grad u Turskoj, privredni, kulturni i historijski centar i jedan od najvažnijih gradova ove transkontinentalne države. Sa otprilike 12,56 miliona inostranih turista u 2015. godini, pet godina nakon što je proglašen za Evropsku prestonicu kulture, Istanbul predstavlja peti napoređeniji grad na svijetu. Najveće turističke atrakcija grada su historijski centar, djelimično uvršten na UNESCOov spisak svjetske baštine, kulturni i zabavni centar koji se proteže uz gradsku prirodnu luku, Zlatni rog, u oblasti Beyoğlu i dr. Istanbul se smatra globalnim gradom kao i jedna od najbrže rastućih ekonomskih metropola na svijetu. Smješten na strateški važnom mjestu, nekadašnjem Putu svile.

New Delhi

Glavni grad Indije. Predstavlja drugi po veličini grad po broju stanovnika u Indiji i osmi u svijetu. U njemu živi oko 22 miliona stanovnika. Grad je bogat kulturno istorijskim naslijeđem, među kojima su i neka pod zaštitom UNESCO-a, kao npr. Qutub kompleks i Humajanov grob.

Goa



Jungle Travel d.o.o.
Branilaca Sarajeva 20/II,
71000 Sarajevo

PIB: 4202134850007

MB:

Broj licence:

Tekući račun:

Telefon: 033 552-552

E-mail: kontakt@jungletribe.ba

Sajt: www.jungletribe.ba

Goa je država koja se nalazi na jugozapadnoj obali Indije i ima preko 100 km plaže. Sa svojim portugalskim crkvama i kućama, hinduističkim hramovima, Goa predstavlja mješavinu indijske kulture i šarma portugalske tradicije. Šezdesetih godina postaje kulturna destinacija hipi generacije, a danas su hipike zamijenili mladi bekpekeri iz cijelog svijeta.

Agra

Grad koji se nalazi u indijskoj državi Utar Pradeš na rijeci Jamuni. Grad poznat po svjetskom čudu, magičnom Taj Mahalu i Agra Tvrdavi.

Korisne informacije

Indija

INDIJA

1. OPŠTI PODACI

Republika Indija je sedma država u svijetu po veličini, a druga po broju stanovnika. Indija je republika sa parlamentarnim sistemom demokratije i sastoji se od 28 država i 7 saveznih teritorija. Na jugu, Indija izlazi na Indijski okean, na zapadu na Arapsko more, a na istoku na Bengalski zaliv. Kopnom se graniči sa Pakistanom na zapadu, sa Kinom, Nepalom i Butanom na sjeveru, a Bangladešom i Mjanmarom na istoku.

Površina zemlje: 3.287.590 km²

Broj stanovnika: 1,324 milijarde

Glavni grad: Nju Delhi (New Delhi)

Jezici: hindi i engleski i 21 nacionalni jezik

Vjera: hinduizam, budizam, đainizam i sikizam su nastali u Indiji. Od religija u Indiji je najviše zastupljen hinduizam sa 80,5%, zatim islam sa 13,4%, hrišćanstvo sa 2,3%, i ostale religije sa 3,8% stanovništva.

2. VIZA

Državljanima Bosne i Hercegovine potrebna je viza za Indiju i može se pribaviti online ili odlaskom u najbližu ambasadu. Naša agencija vrši usluge online viziranja. Pasoš mora biti važeći najmanje 6 mjeseci po povratku sa puta (minimum 3 slobodne strane).

3. VREMENSKA ZONA

UTC +5:30

4. KLIMA

Klima u Indiji je suptropska, tropska i ekvatorska. Indijski potkontinent ima izrazito monsunsku klimu ljeti, od kraja aprila do oktobra, sa Indijskog okeana pušu topli i vlažni vjetrovi, koji donose dosta padavina, preovlađuje tropsko-monsunska klima. Srednja januarska temperatura je od 11-12 stepeni u podnožju Himalaja, a 27-28 na jugu, julska temperatura je od 20 do 35 stepeni sa ogromnom količinom padavina. Najveća količina padavina u svijetu zabilježena je u Asamu (11mm) koji se nalazi u sjeveroistočnoj Indiji. Uz vještačko navodnjavanje usjevi uspijevaju i zimi. Biljni svijet je bogat prašumama, džunglama, savanama, zastupljena je i sredozemna vegetacija. Monsunska klima, topla i periodično vlažna uslovljava navedeni biljni i životinjski svijet.

5. HRANA

Indija budi sva čula i sva osjećanja, pa u toj zemlji možete osjetiti sve osim ravnodušnosti. Takva je i gastronomija ove ogromne zemlje. Indijska kuhinja može da se podijeli na četiri regije u skladu sa stranama svijeta, iako i unutar tih regija postoje dalje podjele. Na istoku je najpoznatija bengalska kuhinja. Jela se služe na thaliju, specijalnom poslužavniku gdje centralno mjesto zauzima velika posuda sa rižom, a koju sa strana prate manje zdjelice drugih jela. Iako u njihovom pripremanju često koriste žitarice, mahunarke, pa čak i povrće, najukusnije vrste pripremljene su od mlečnih proizvoda. Najčešći začini i sastojci korišteni u ovoj kuhinji su slačica, čili, đumbir, korijander i njegovo lišće, zeleni kardamom, panch phoron (mješavina pet začina u jednakoj mjeri: piskavica, anis, kumin, crno sjeme kalonđi i slačica), kurkuma, kumin, kalonđi, komorač, piskavica, susam, jogurt, brašno od leblebija, ulje slačice i ghee, pročišćeni maslac. Zapadnu Indiju čine četiri različite kuhinje. U svako jelo se stavlja najmanje jedan prstohvat šećera, a njihov tradicionalni thali se ponekad sastoji od čak deset jela (riže, peciva, začinenog jogurta, raznih vrsta mahunarki i farsana (grickalica), subjija (naziv za jelo od povrća), slatkiša i khichdija. U regiji Goa najviše se koriste čili, šećer, susam, orašasto voće i brašno leblebija. Rajasthan regija je jedna od najpopularnijih turističkih destinacija. Nedostatak vode za kuhanje pobijedili su prženjem u gheeu koji jelima daje posebnu aromu. Sjevernoindijska jela su bogatog i snažnog ukusa. U ishrani se najviše koriste chapati i roti vrste peciva koje se pripremaju bez kvasca i sa dodatkom začina. Smatra se da iz ove regije potiču najukusniji dhali, jela od sočiva u koje se dodaje kari smjesa. Najčešći začini i sastojci su korijander, kumin, suhe čili papričice, kurkuma, cimet, kardamom, klinčić, garam masal i anis. Južnoindijska pokrajina je karakteristična po sočnoj i ljutoj hrani. Glavna namirnica je riža koja se nalazi u idlijima i dosama, raznim karijima – kuhanim jelima od povrća. Značajni su i subija od patlidžana, bamije i zelja, te kokos ili kokosovo mlijeko koje kao sastojak mnogih jela gasi južnjačku ljutinu. Začini koji se najviše koriste u ovoj regiji su lišće karija, slačica, asafetida, biber, tamarind, piskavica i čili.

6. VAKCINE I ZDRAVSTVENA SITUACIJA

Nijedna vakcina nije neophodna za putovanje u Indiju, ali savjetujemo putnicima da se posavjetuju sa ljekarima, i odluče se da li neku vakcinu žele da prime. Najbolje je pozvati Institut za tropske bolesti i provjeriti. Poželjno je ponijeti lijekove za stomadne probleme (probiotike), ferveks ili neke lijekove za bolove i temperaturu, za svaki slučaj. Opšta sanitarna situacija u Indiji je složena i zahtjeva visoki oprez prilikom konzumiranja vode, hrane i održavanja lične higijene. Ne preporučuje se konzumiranje vode sa česme nego isključivo flaširane vode.

7. OSIGURANJE

Zdravstveno osiguranje nije obavezno, ali je preporučljivo. Možete ga uzeti u bilo kojoj osiguravajućoj kući ili kod nas u agenciji do 5 dana pred put - Sarajevo osiguranje.

8. BEZBJEDNOST



Jungle Travel d.o.o.
Branilaca Sarajeva 20/II,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Opasnost od elementarnih nepogoda u Indiji je izražena u periodu ljetnih monsunskih kiša koje periodično padaju u intervalu od juna/jula do septembra/oktobra. Usljed većih elementarnih nepogoda izazvanih monsunima, koje najviše pogađaju ruralna područja, formiraju se krizne službe koje na licu mjesta ukazuju neophodnu pomoć, odnosno vrše evakuaciju.

Na teritoriji Indije generalno ne postoji otvorena opasnost od oružanih sukoba niti visok stepen kriminala.

Potrebno je voditi računa o poštovanju lokalnih običaja i pridržavati se istih.

9. NOVAC

Zvanična valuta u Indiji je indijski rupi - INR (jedna rupija sadrži 100 paisa). Na putovanje možete ponijeti eure ili dolare. Odnos je 1 EUR = 70 INR, a 1 USD je oko 60 INR. Postoji mogućnost korištenja kartica, prije svega na bankomatima, ali ne treba se previše oslanjati na to. Provizije koje se uzimaju nisu velike, ali treba proveriti s matičnom bankom.

10. KOMUNIKACIJA

Naše mreže funkcionišu u Indiji. Što se tiče cijena roaminga, provjerite na stranicama Vaših mobilnih operatera. Možete kupiti i lokalne kartice koje nisu skupe. Što se tiče interneta i wi fi, konekcija zna biti sporija, ali je sasvim dovoljna za osnovnu komunikaciju.

Važne napomene

Opšte napomene:

- Organizator putovanja je JUNGLE TRAVEL sa licencom OTP 266/2010.
- Prilikom prijave potrebno je dostaviti kopiju pasoša/podatke pasoša sa kojim će putnik putovati na samo putovanje. Obavezno je da putnik proveri trajanje i ispravnost putnog dokumenta, kao i broj slobodnih stranica potrebnih za putovanje.
- Svi pasoši moraju imati rok važenja minimum 180 dana (6 mjeseci) od dana povratka u zemlju.
- Organizator putovanja zadržava pravo promjena pojedinih sadržaja u programu usljed vanrednih okolnosti i stvari koje agencija ne može predvidjeti, u vrijeme zaključenja ugovora.
- Organizator putovanja nije ovlašten i ne cijeni valjanost putnih i drugih isprava.
- Za sve informacije date usmenim putem agencija ne snosi odgovornost.
- Potpisnik Ugovora o putovanju ili predstavnik grupe putnika obavezan je da sve putnike upozna sa ugovorenim programom putovanja, uslovima plaćanja i viziranja i OPŠTIM USLOVIMA PUTOVANJA JUNGLE TRAVEL-a.
- Putnici su dužni da dva dana pred put provjere tačno vrijeme i mjesto polaska grupe.
- Putnik je dužan da se sam upozna sa pravilima ponašanja zemlje u koju putuje i da poštuje važeće zakonske carinske propise.
- U prevoznim sredstvima je najstrožije zabranjeno pušenje, konzumiranje alkohola i opojnih sredstava.
- Putnici su dužni da, u autobusu i drugim prevoznim sredstvima kojima se vrši transfer, ostanu na svojim mjestima, i ne smiju ih napuštati na mjestima koja nisu predviđena za pauze (granice, check point stanice, naplatne rampe itd). U slučaju da putnik napusti vozilo bez prethodnog dogovora sa predstavnikom agencije, sam snosi sve eventualne troškove i posljedice.
- Putnik koji svojim neadekvatnim ponašanjem uznemirava druge putnike ili ometa vozače i pratioca u poslu, bit će odmah isključen sa putovanja i sva odgovornost prelazi na njega bez prava na žalbu i povrat novca.
- Putnik je dužan da poštuje satnicu određenu od strane predstavnika agencije na putovanju, u suprotnom predstavnik agencije ima pravo da putnika isključi sa putovanja.
- U turističkim autobusima nije moguća upotreba toaleta; u skladu sa planom i programom puta pauze se prave na 3-4 sata (u zavisnosti od lokacije i opremljenosti benzinske stanice) koje putnici mogu iskoristiti za upotrebu toaleta.
- Agencija određuje raspored sjedenja, mjesto polaska, mjesta za pauzu i dužinu iste; uplatom prevoza, putnik prihvata sve gore navedeno, bez prava na prigovor i žalbu.
- Aranžman je rađen na bazi od minimum 10 putnika za daleka putovanja i 50 putnika za evropska putovanja.
- U slučaju nedovoljnog broja putnika za realizaciju aranžmana ili drugih objektivnih okolnosti, organizator putovanja obavještava putnike o otkazu aranžmana najkasnije 10 dana prije datuma polaska za daleka putovanja i 5 dana prije datuma polaska za evropska putovanja.
- Kod aranžmana koji uključuju prevoz avionom, nakon kupovine aviokarata nemoguće je refundiranje istih i u tom slučaju važe uslovi avio kompanija.
- Kod aranžmana koji uključuju prevoz low cost avio kompanija, u slučaju odlaganja leta, otkaza ili gubitka konekcije putnici su dužni da sami plate novonastale troškove i agencija ne može da utiče na okolnosti koje su van njenog dometa.
- Cijene low cost aranžmana podložne su promjenama i po uplati avansa se provjeravaju tarife i putniku se potvrđuje cijena aranžmana.
- Agencija ne snosi odgovornost usljed promjena aviokonekcija od strane aviokompanije.
- Satnice letova navedene u planu i programu ili dobijene od strane agencije podložne su promjeni i isključivo zavise od aviokompanije.
- Agencija zadržava pravo odabira prevoznog sredstva za transfere i vrši ih do smještaja ukoliko je to fizički moguće.
- Za sve ponuđene ili dostupne opcione doplate u vezi sa planom i programom puta ili smještajem, potrebno je izjasniti se prilikom prijave za putovanje.
- Ukoliko neki putnik sam odluči da promijeni dio plana i programa puta, agencija nema odgovornost da tom putniku obezbijedi transfer/raniji ili kasniji check in ili check out u smještaj/druge noćenja u smještajima, od onoga što je predviđeno planom i programom puta.
- Maloljetni putnici prilikom putovanja moraju imati ovjerenu saglasnost roditelja.
- Zbog poštovanja satnica predviđenih programom putovanja, kao i poštovanja vremena ostalih putnika iz grupe, ne postoji mogućnost zadržavanja na granici koja predstavlja izlazak iz Evropske Unije, radi ovjere računa i povrata poreza iz Evropske Unije (TAX FREE)
- Naša preporuka je da povedete računa na Vašem putovanju o ličnim dokumentima i novcu.
- Za ovaj aranžman primjenjuju se OPŠTI USLOVI PUTOVANJA uskladjeni sa UTABIH standardom.

Napomene u vezi sa smještajem:

- Organizator putovanja, JUNGLE TRAVEL, zadržava pravo rasporeda po sobama, u skladu sa strukturom soba smještajnog objekta; ukoliko postoji mogućnost, agencija se trudi da izađe u susret željama putnika (molimo Vas za razumijevanje, budući da je ovo putovanje zamišljeno kao dobra zabava i avantura).
- U smještajne objekte se ulazi prvog dana boravka u skladu sa pravilima tog smještajnog objekta. Najčešće je check-in u popodnevni satima (14h ili 15h), a check-out je



Jungle Travel d.o.o.
Branilaca Sarajeva 20/II,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

posljednjeg dana boravka najčešće do 10h ili 11h.

- Opisi smještajnih objekata su informativnog karaktera.
- Neki od dopunskih sadržaja smještajnih objekata su dostupni uz doplatu. Postoji mogućnost odstupanja i promjena oko dostupnosti nekih sadržaja, jer isključivo zavise od smještajnih objekata (npr. sef, parking, mini-bar, TV, klima uređaj...)
- Putnik je dužan da poštuje pravila smještajnog objekta i sam snosi odgovornost usljed sankcionisanja od strane osoblja smještajnog objekta.
- U nekim smještajima Azije, Afrike i Latinske Amerike nema vruće vode.
- Smještajni kapaciteti vrše smještaj putnika i određuju raspored i tip soba prema svojoj raspoloživosti u datom trenutku. Agencija nije u mogućnosti da klijentima potvrdi da li će kreveti biti twin (razdvojeni) ili double (veliki francuski ležaj), kao ni spratnost u samom smještaju, osim ukoliko to nije posebno naznačeno Ugovorom. Klijent je uplatom aranžmana saglasan sa tom činjenicom i uslovima smještaja bez prava na žalbu.
- Putnici koji putuju sami u nekim programima imaju mogućnost da uz doplatu budu sami u jednokrevetnoj sobi. Ukoliko putnik želi da se spoji sa nekim drugim putnikom iz grupe i ne želi da plaća doplatu, prihvata da se spoji sa bilo kojom osobom iz grupe, bez obzira na godine i pol saputnika. U tim situacijama, agencija apsolutno ne odgovara za bilo kakve eventualne neprijatnosti ili neslaganja koje putnici mogu da imaju na putu.

Napomene u vezi sa fakultativnim izletima:

- Fakultativni izleti nisu obavezni dio putovanja.
- Termini i cijene fakultativnih izleta su promjenljivi i zavise od slobodnih termina po lokalitetima, broja prijavljenih putnika i objektivnih okolnosti.
- Fakultativni izleti se realizuju od strane lokalnih agencija i Jungle Travel nije u mogućnosti da utiče na stvari Van dometa agencije vezane za samu realizaciju izleta.
- Fakultativne izlete vode lokalni vodiči na samim lokalitetima na engleskom jeziku. Uplatom izleta putnik prihvata sve uslove lokalne agencije bez prava na žalbu.
- Agencija ne može uticati na dužinu trajanja putovanja do lokaliteta, vremena polaska, povratka ili obilazaka kao ni stručnost lokalnih vodiča.
- Prilikom uplate fakultativnog izleta, putnik prihvata uslove lokalne agencije, organizatora fakultativnog izleta, i dužan je da o uslovima obavijesti saputnike za koje uplaćuje izlet. Bilo kakve naknadne izmjene, promjene i odustajanja od izleta nakon uplate, nisu moguća, niti je moguće u bilo kojim okolnostima refundirati uplaćeni novac.
- Molimo sve putnike da se prije uplate fakultativnog izleta upoznaju sa predviđenim itinerarom i uslovima fakultativnog izleta.

Napomene u vezi sa vizama:

- Putnici su u obavezi da se upoznaju sa viznim režimom države u koju putuju.
- Pojedine ambasade zahtjevaju lično prisustvo putnika prilikom viziranja i putnici su dužni da pravila ambasade ispoštuju.
- Putnici su dužni da dokumenta za viziranje dostave najkasnije mjesec dana prije putovanja, a ukoliko ih ne dostave u navedenom roku, dužni su da sami obezbijede vize za putovanje.
- Putnici koji ne posjeduju nove biometrijske pasoše BiH dužni su da se sami upoznaju sa viznim režimom države u koju putuju i da sami obezbijede vize za putovanje.
- Agencija ne garantuje dobijanje vize i nije ovlaštena da utvrđuje validnost dokumenata.
- U slučaju nedobijanja vize agencija ne snosi odgovornost.